

竹澗集
地

신천석
申天錫



竹澗集卷之三目錄

記

俗離山行記

風亭記

清州郡儉岩里忠孝祠復設記

尚州郡禮儀洞十景記

序

清州義城兩派同譜序

直長先祖墓祀祭錄序

軍器寺叅奉公以下派譜序

跋

書素堂先生文集後

古
2648
文
40
93
2

書退雲族第文集後

密陽朴氏派譜跋 代作

書密陽朴氏世紀事實後

昏書

長孫完植昏書

通文

爲梨亭祠修禊通文

儉巖祠院復設通文

祝文

告家廟文

梨亭祠定堂金先生追配奉安文

定堂金先生常享祝文

祀后土祝文

儉巖書院龍崖申先生追配奉安文

龍崖申先生常享祝文

上樑文

尚州郡蛇浦十九代祖考按廉公齋舍重建上樑文

儉巖里忠孝祠重建上樑文

文博里十三代祖考直長公齋舍重建上樑文

祭文

祭素堂先生文

祭内舅洪公在一文

祭尹公榮來文

祭内從兄洪公鍾益文

竹淵集卷之三

祭趙漢淑文

祭從兄豐錫文

代族弟正錫作

祭內兄洪公

鍾采文

祭叔母孺人宜寧南氏文

代族弟正錫作

祭金商憲文

代舍弟朋錫作

祭長姊孺人申氏金氏婦文

祭朴公聲夏文

祭伯兄文

代作

祭外姑孺人康津李氏文

代孫完植作

祭從弟經錫文

祭從弟明錫文

祭舍弟朋錫文

祭道長齋朴元圭文

祭東隱李南珪文

祭龍菴朴章圭文

代家兒作

祭外姑孺人延安李氏文

代姪秦漢作

祭內舅敬齋申公朋錫文


代甥姪金世齊作

祭全州李昌鍾文

代家兒秦來作

祭端人結城張氏文

代人作



--	--	--	--	--	--	--	--	--	--	--	--	--



午、飛身卷之三

竹澗集卷之三

記

俗離山行記

庚戌四月二十五日與蔡鎮壹聖集從弟經錫敬元同行
觀俗離山初入舍乃里約三里樹木兩邊鬱密有一柱門
門內有碑閣尤奄揆碑文同春書之有碧岩大師法住寺
事蹟碑法住寺右偏有水晶峯以石成山峯上有龜石左
偏望見高峰爲天皇峰渡太平橋入岩門右有鶉岩仰見
飛鷲峰以岩成峰級澗八數里許山勢萬疊樹葉擁路岩
石平澗澗流回轉此爲世祖沐浴所也傍有小徑逶迤
連峰峰上有純祖胎室嘉慶十一年十月十二日建東
望有金剛谷下胎室攀石壁行數里上隱瀑洞兩岩相持

中間空通小岩雜亂瀑流其底聽其掛流不見其下坐岩
 暫聽精神清爽宵襟灑落雖盛夏極炎寒氣侵人不可久
 住其上有鶴巢臺屏岩鋪立中間有岩冠傍有三穴鶴巢
 其中冠上層石環列成一石山老松立其岩間有一人腰
 帶繩索攀行岩邊抹石衣其危險不可形言緣石階少許
 有上歡庵前後岩石左右樹林異鼠恠禽各自飛走景槩
 絕勝無逾於此因行經岩門大岩相持成門行數里上天
 王中峰有拜石臺望見天王上峰臺前有老岩特立其後
 又有大岩偃卧經行一里有望臺岩入上庫庵庵上即飛
 鷲峰奇岩恠石連疊成峰峰下有弁岩高數百丈庵後有
 鼓臺岩岩下卽金剛谷也飛鷲峰下有立石臺慶業臺文
 藏臺庵後行數里入門岩兩大巖相對立路通其中行少

許見立石臺高約百餘丈圍數百抱前後左右奇奇恠恠
 之巖不可勝數樹林裡又行少許有慶業臺層石摩天兩
 石峰對立臺前有年少一僧築室生食修道峰上小逕逶
 迤樹林間奇岩恠石形形色萬樹雜葉千態萬狀異鳥
 恠禽各送其聲遊子行客自有心懷焉傍有通路其下卽
 法住寺也石峰五六處次第起峰因行小逕自樹林間或
 岩下或峰腰自峰腰路通中獅子又行少許卽文藏臺岩
 壁削成爲峰峰上盤石周回數百圍其上平鋪可坐萬人
 中有甘露水高可摩天與天王對立其下有巖高過
 中間向西長揖自初入至中間隱有足迹緣巖稍上以上
 則足迹若存若無難可攀行素有技藝者不能上觀其上
 因下十里許卽中獅子其中間有門巖有 宣祖御殿過

中月集卷之二 記

二

屏岩越九曲嶺老松參差老岩半雜緣澗稍下岩壁成山
有石龍因行一里有羅漢殿僧居庵極樂殿有三金佛殿
極雄壯其傍有岩成山殿下有福泉庵四圍垣墻行下有
老檜間數十圍叅天而立稍下數里岩勢秀麗水流清澈
即沐浴所上流也日暮因宿舍乃里翌日觀法住寺始自
落水岩巖大如天岩傍有三碑垣應大師震河大禪師碑
也一則龐寅赫功德碑也有門岩岩傍有一碑比丘尼秦
守之碑也有水晶庵庵勢雄壯有能仁殿回行少許有天
王門有四天王捌相殿殿加五層有大鐘閣光明臺獅子
形石蓮池又有圓通寶殿有一大金佛大雄寶殿有三大
金佛殿加二層有凝香閣閣外有石菴石槽鐵鑊此皆法
住寺之所屬也自太平橋歷諸石峰下福泉庵至法住寺凡

周回約五六十里也蓋一時遊觀名勝之地亦足以洗
繫之陋而余本以愚昧魯鈍之質未有實得放心者又無
記性隨見隨忘故於是行也足目所到處所觀之物一一
抄記以備忘焉

風乎亭記

佳陽之北冶溪之上有隱君子居焉自十數年來講道行
義於其間明窓靜几整鬲衣冠六七卅角左右侍列蛾述
鳥習講誦洋溢誠亦樂矣間又作數椽之亭於家之右麓
亭後大巖跨坐岩間老槐覆亭當春之溫和則清陰濛濃
值夏之酷烈則涼風爽快于斯時也課兒勸讀之餘君子布
衣葛巾逍遙于亭上凡世間所謂富貴榮達聲名利祿直
付之於先天夢寐之外此豈非上世之逸民物外之閒蹤

予與余居隔一嶺有時而登此亭則心神清爽胸襟灑落
 岩川殆灑桑柘掩映已覺有隱居臭味而君子高坐恍然
 隱態粹盎酬語淋漓山日將傾則每携得清風滿袖而歸
 非止一再矣一日君子訪余於文山之敝廬謂余曰日前
 金定堂成煥宋希菴斌憲兩人丈辱登吾亭坐語良久定堂
 顧謂希菴曰吾儕登此亭無名亭可乎希菴曰諾因榜之
 以風予定堂又曰旣爲亭名無其記可乎希菴又然之自
 擔而去矣其後遽爾沒世今無復有記亭者竊惟吾子幸
 賜一言以遂吾志也余以固陋不文累辭不獲且樂其希
 菴名亭之義取其聖門弟子曾點所謂暮春者春服旣成
 浴乎沂風乎舞雩之意非徒名其亭而已於君子氣像最
 爲適切遂記其事之顛末使後之登斯亭者俾知其名亭

之義云君子名在英字士彥號松雲於余爲族叔也松坪
之后孫晚軒之子也胚胎旣殊濡染有方不由師傅得之
家庭爲吾族中最有德望焉維歲辛卯暮春初吉百五節
竹澗族侄天錫謹書

清州郡儉巖里忠孝祠復設記

清州郡儉巖里忠孝祠趙重峰韓月浦申養一堂宋安素
堂李四友堂延慶堂池叅判卞四益申處士朴瓦村十先
生安靈之所也惟此諸賢並華同郡行事雖殊其於忠孝
同歸一轍故 肅廟甲戌本府士林協議發文上聞于
國朝得其好題祠以侑焉蓋自大院君毀掇以來燕廢日
久使樵兒牧子皆得以唱歌躑躅於其墟漫滅不可復識
矣往在戊戌之歲重峰外九家子孫各自隨力出捐得八

十萬僅成祠宇而祀之以致區區尊嚴忠孝之意今年夏始得公金七十萬又出捐金二十萬以附益之更爲增葺蓋前後用費合公私之力得錢百七十萬而祠之內外煥然一新庭堂門廡靡不嚴備施設貌象皆應禮法非徒尊賢尚德而已其於爲世教補風化蓋亦不少矣主創而董其役者宋憲讚朴喜春卞相殷也呈書政府累請得錢者宋君錫羲之力也錫羲要予爲記予自少時得聞諸先生之事又皆高邁卓絕使人興起衰病零落廩然常懼其一旦泯滅而無傳也宋君之請乃適有會於予心者且予又爲養一堂公之旁裔也不辭而記其事之本末以爲後來者之考云維歲癸卯秋八月甲子朔旦鵝洲申天錫記

尚州郡禮儀洞十景記

惟我國環海爲疆而大嶺之南有尚州郡禮儀祠壤地深
 邃林泉絕勝隱君子寓居于此講學行義冠童誦誦洋溢
 而君子課兒之餘被葛屨草行尋十箇所標題其景概之
 所當因作十絕吟哦緇絳優游自適不知老之將至此豈
 非上世之逸民物外之閒蹤乎余與君子忝在吳中之末
 曾遂識荆之願一日君子抄其十韻隨便付送余以孤陋
 譎劣之學無以報答然難負遠外之盛意忘拙構呈以待
 斤正猥加虛讚又抄詩若序致書遠來請余爲記嘉其君
 子之隱趣自晦而高尚其志仍記十景之所由來並付與
 余相酬之首尾以爲此祠後來學者之參看焉君子姓申
 氏名熙聖號慎菴有德君子也碩人金昌熙區疆濶遠雖
 未能相見然觀其從游聽其所言則可知其爲端雅謹潔

之士也云爾維歲癸卯臘月旣望文村散人申天錫記
序

清州義城兩派同譜序

譜者籍錄世系而尊祖敦宗之義所由生也其故何哉
夫人之身出於父父又出祖祖又出於始祖始祖又出於
厥初得姓受氏之祖如水之沿流而溯源木之自根而至
枝自祖宗以來千數百年只是一氣相傳耳廬陵歐陽氏
眷山蘓氏之譜創起於古蓋先覺於此者也有人能知此則
譜不得不作也我申起於勝國之末有諱元濡以版圖判
書清名直節表顯當世人化之唐介其子諱祐號退齋入
我朝 太祖以刑判屢徵不起遭父喪廬墓號哭有瓊竹
生焉有二子長曰光富後孫居義城邑校前故曰邑派次

曰光貴後孫居同郡龜尾故曰龜派本自安東豐北鼎寺
 祠移居于此光貴五世孫諱幹又自義城移居清州自後
 枝分派敷雖無冠冕之顯赫忠孝相傳文學相承如悔堂
 鷹巖梧峰養一堂諸公暇享年鄉祠龍宮公以退翁門人
 有名于世龍崖公以允門高足爲儕流所推許學生公諱
 尚節亦以老先生門人與直齋李公疏下師誣處士公松
 坪公俱以孝行并表 旌閭其餘諸公亦難悉記而嘉行
 懿德宜不後於我東名家况以退溪愚伏尤菴諸先生之
 健筆相讚揚於識與文記者至矣盡矣豈不偉哉然自得
 貫以來殆近千禩散在雲仍其麗不億而尚未有大同之
 譜此其可恨者也近世晦屏陶窩公又以文學推重於世
 而常以是爲恨有志未就往在癸酉邑龜諸族奮發乎先

世未遑之事輪告各處合單收金費半歲之日損數千之
緡事幾將成而又罷豈非有數而然歟龜中族人乃與謀
曰旣不合譜則盍修泚譜與醴泉諸族翌年甲戌齊會齋
舍修若干丹子又曰清州爲龜尾泚之宗泚而不得不同
譜乙亥元月余以長老之命晉參校讐之末三閱月而告
竣此事之成始於癸酉中於甲戌終於乙亥豈其偶然乎
哉雖未得大同之圓滿然亦因是譜而益修尊祖敦宗之
義則前所謂歐陽眷山豈獨專美於古也將付剞劂略記
系泚及其事之顛末以竣後日之考焉

乙亥之孟夏上澣後孫天錫謹撰

直長先祖墓祀叅祭錄序

夫祭者盡其誠敬而已誠敬之道無他真實無僞之謂誠

主一無適之謂敬非誠敬之心不能感格所祭之神也故
孔子祭如在又曰吾不與祭如不祭聖人猶如此况衆人
乎惟我直長先祖之墓歲修一祀而子孫散居最近墓下
者文博松洞梨木遠者則邑內忠州也行祀時不可無祭
祭名簿故敢設此錄以爲後來參考則此亦誠敬一道也
蓋人之生無不本乎祖者故報本反始之心凡有血氣者
之所不能無也然凡人之情其於世之近者則逮事而記
其聲容必起誠敬之心不敢少忽焉若世之遠者則相去
已遠不可得而知又素不識其聲容必有少衰之意凡我
叅祭之族各盡其誠敬愀然有見所祭先祖之神洋洋如
在其上如在其左右然則先祖神之有無在此心之誠敬
與不誠敬而已盍相勉旃我畧述叅祭之顛末以寓感慕

焉維歲上章攝提格仲春之上澣直長府君十三世孫天錫謹書

軍器寺叅奉公以下派譜序

譜者明其祖先之系出詳其子孫之序次也明者自來文獻班班考信而無所疑意也詳者推去宗支昭昭分列而無所混淪也故周官小史氏之奠世繫辨昭穆掌一職以其此意也噫吾鵝洲申之始祖湖嶺各家家牒皆以戶長公英美七百餘年相傳矣距今百五十餘年前丙子考譜後以平申所系益休傳疑而著於卷端矣各派諸族不見信蹟以己意但見以軍切封鵝洲君連系直書一二次修譜數年前邑派依前例欲爲大同譜而以始祖之故派議論不一或有祖入而孫不入者或有兄不入而弟入者文

獻不足徵於前宗支不分明於後是豈可以大同譜爲名
乎經曰疑者闕之孔子曰知之爲知之不知爲不知是知
也聖人豈欺我哉吾派則自我十二世祖軍器寺叅奉公
以下諸族爛商共議譜系今不修正則更無修正之日故
一依庚申舊譜以爲派譜然則遵守古來各家相傳之本
義而尊祖義理昭然顯著義理者如青天白日人人得而
所共見者是也中間譜之誤謬由不知闕疑之義故也此
譜之成舉族未合雖不得圓滿然是祖是孫是叔是侄便
同一堂之內開卷瞭然則是亦吾派之勝事也豈可少補
也哉因此譜而益修孝悌敦睦之行則仁厚忠愛之誼油
然而作矣諸族盍相勉旃哉

彊圉協洽蜡月望日後孫天錫撰

跋

書素堂先生文集後

右先師素堂先生文集並附爲九卷也嗚呼先生道德學問實難名言而生丁不辰躬蹈奇禍尚忍言之哉然殉道自靖光明正大之義光日月而暨宇宙彼險詖之輩妄肆詆斥者此固蚍蜉之撼樹也自有一世議論存焉而至若學宗塘老門路坦坦如日中天心性理氣下析其同異偏全斥邪而扶正萃夷人獸嚴截於尊攘向背扶陽抑陰明目張瞻壁立萬仞卒至被害而不少撓屈隻手擎天大有功於斯文世道此則未必盡知其然其爲門人小子者欲報罔極之恩尤當深體其意也斯役也始自己丑南至迄于明年百五之節天錫之愚與同讐校顧此蒙昧其於掃

塵何能一一功旣告竣因書謬妄之說於卷末云先生沒後三十五年上章攝提格仲春上澣門人鵝洲申天錫謹書

書退雲族弟文集後

余與退雲同十世族兄弟也居同里學同門無異同氣而年雖少我六歲以其學問言之則實爲我師範也其爲學也自妙年受業于素堂金先生得聞義理之精微先生蹈禍之後贅事惺菴朴先生門下篤學十載大有樹立淵源正脉則是朱而非陸心性理氣則向湖而背洛時勢主義則尊華而攘夷蔚有隆望甚見推重於一世矣未及中身不幸而夭此豈非氣清而數局者乎今其允姪秦秀爰輯遺文編成二卷而一日携帙來示余仍請讎校而題跋撫

卷發歎矣但重有悼逝之懷也始乃一緝讀過益知其平素之所存也其詩文諸篇意趣言論實多有關於斯文世道上而非綺麗藻繪之可比也至若宋松石曹錫範徃復書則其一生爲學之精力槩可見也從茲以往慙慙不已則他日造詣不可形言而天不假之以年豈不惜哉余嘉其長允之編摩而付諸剞劂感此陋拙之前日兄弟之情誼略書于卷末以歸之維歲庚寅暮春下澣竹澗族從天錫書

密陽朴氏洑譜跋 代作

氏之同貫曰族系之傳錄曰譜族者近有九親遠有百代究其本則均是同祖可不敦睦乎譜者史也遠近之族分派記載父子祖孫昭穆分明兄弟叔侄秩序仔詳開卷一

覽瞭然指掌可果闕略乎是故族譜之作昉自古昔程張
歐蘓之所以創起也惟我姓之朴起於新羅累世爲王中
分八大君又分三十三貫而貫密陽者最爲蕃衍又有十
二分派世代久遠子姓不億則譜固不可得而合也我中
祖大提學公自密陽移居永同有二子長曰天錫官吏曹
判書是生諱堧號蘭溪官吏曹判書大提學次曰天貴官
漢城判尹是生諱興生號菊堂官縣令諱興居號二樂堂
官監察分爲三派其後孫如翰林之忠節挹清公之道學
老孝子與瓦村公之純孝輩出暇享于花巖草江儉巖諸
書院而道學忠孝繼繼承承以汝溪尤菴霽月堂之健筆
相讚揚於銘與祝文此實不讓於吾東名家也然三派曾
有合同之譜已近四十餘年矣其間族親之蕃衍不知其

復爲幾許則譜事之新加編輯固其宜也且况今日世俗
頹敗倫綱數淪一室之疎如秦越至親之視如路人不放
此時而更修則豈可曰喬木之有遺蔭而簪紳之有餘裔
乎雖然三派仍舊相合則經費巨大時日長遠故獨菊堂
派諸族相與通議修成是譜凡爲吾族者因此譜而益修
孝悌敦睦之行則團合之期必有其日矣余以不肖亦叅
議其中略記得姓本源先祖來歷及其事之顛末付于卷
端以俟後日之考焉于時柔兆涒灘四月十八日也

書密陽朴氏世紀事實後

濟州朴君在文一日訪余於文山敬廬袖出其世紀事實
一丹示之曰吾密城之朴自新羅始祖王世襲冠冕至密
城府院君諱彥孚即上祖也十一世祖諱厚信官弘文正

字始居濟州其後聞人善士前後相望矣家傳文行實有
 可傳於世而不可泯者願吾子題其序若記則其於發潛
 闡幽之道庶乎無憾余敬受而讀之曰嗚呼休哉君之王
 考正村公行義修道令聞著於島內君之考敬齋公承習
 家庭文學孝行亦可爲一代儒宗而能繼祖武不墜家聲
 此足以爲東國名家而宜見賞於當世大賢君子也君何
 憾憾於家之零替乎天道福善必有其徵君其待之至若
 序與記文則顧余孤陋蔑裂之學百不猶人而何敢妄犯
 糠粃之譏乎略題所感又繼而謹次壽母韻拙構一篇贈
 以歸之維歲癸卯仲春下休鵲洲后人申天錫謹題

壽母詩

八旬斯宴際重陽慶福高門大有光祝酒子孫祈不老頌

平滬身卷之三

詩賓客賀無量壽域鏡鏗兼漢朔孝誠陸續又王祥瀛洲
本是三神一仙藥求來獻母堂

昏書

長孫完植昏書

伏以相居同郡而頌德非但今日素有朱陳之義而又結
桓鮑之親固知攸措私切兢惶伏惟尊仲氏第二令愛性
質優良閨範夙就僕之長孫完植教訓無素學業未成自
量非才敢望副擇賢之意但以蓬麻之直金沙之混猥蒙
不卑欲遂求配之誠茲遵先王之禮敬行納幣之儀四隣
皆賀契誼比前益深一門共欣福慶自此漸長欣荷無任
敷宣何旣

通文

爲梨亭祠修禊通文

右通告事惟我素堂先師祠院最初葺理時物力不贍諸般未完昨今兩年雨則滲漏壁面毀壞棟樑污穢不忍正視乃更加修治工費不貲預田享祀金若因循如此則祠宇維持之道甚爲艱虞豈不深慮哉夫土壤積而成山川澗合而爲海凡我同門諸彥多小間隨力出捐每年以十月十五日元定修禊以其基本成如山海以爲永久維持之地千萬幸甚

儉巖祠院復設通文

右通告事清州東儉巖里九先生祠院自二百年前本鄉士林欽慕諸先生之忠孝勦建而俎豆之矣自大院君毀掇祠宇以來耕犁遺墟將至湮沒無跡行路盡爲指點儒

林莫不嗟惜况爲其子孫者豈不尤爲痛迫寒心哉於是今年春諸先生子孫齊會于儉巖里宋憲瓚家以復設之計爛商共議然鳩財之道最爲極難爲先以建祠費八十八萬圓分排各門有繁昌微弱之門不能以一例爲定以上十五萬圓中十萬圓下五萬圓隨其力排定凡爲諸先生子孫者各其所當金以今年十一月末日內極力周旋送之以圖期成無至今日之行路盡爲指點儒林莫不嗟惜之地千萬幸甚

祝文

告家廟文

島夷合併我國 王社旣屋神人共憤謹因兩叅不敢不告

梨亭祠定堂金先生追配奉安文

卓矣先生崛起我東素堂賢第惺門老翁天資粹美德行
純良義尊華陽學宗南塘遭世艱虞矢死罔僕兄及弟矣
夷齊題目凡在士類疇不欽仰牖我後進功不可忘舊祠
重建迨臨縛儀新廟赫赫梨亭之基溪山動色雲物增輝
四賢同享酒香牲肥高風尚凜芳躅維新庶幾歆格佑啓
後人

定堂金先生常享祝文

持身廉潔處世正直生丁不辰之死不變慕聖牖學光前
迪後鄉邦永慕歲薦特牲

祀后土文

維歲次己酉十月己丑朔十日戊戌岱主幼學申天錫

敢昭告于

土地之神今以孟冬之月歲事已成敬將清酒一盃白餅
一甌祇薦于

神庶幾顧歆尚冀保佑俾無後艱自今以後將以是日持
此酒餅歲薦于

神家宅安吉永賴

神休尚饗

儉巖書院龍崖申先生追配奉安文

卓矣先生诞生海東養一肖孫尤門高第先生之行其於
儉巖書院十賢時雖後矣同郡同賢今奉追享儼臨縉儀
清廟赫赫首谷之墟溪山動色街閭增輝惟此諸賢行事
雖殊忠君孝親同一其揆將事之始祇薦明禋庶幾敬格

佑啓文明

族后孫天錫撰

龍崖申先生常享祝文

學習家庭薰陶華陽四書提要功在後學屋下私言義在
當世鄉邦共慕永世彤嚮

告墓文

告亡室孺人光山金氏墓文

維歲次己亥二月庚寅朔七日丙申夫鵝洲申天錫昭告
于亡室孺人光山金氏之墓曰嗚呼孺人之沒于今計年
則二十有五年矣計日則八千五百有餘日矣幽明雖殊
情則一也如是之久而頓無一言相告是豈平日相愛之
誼乎在昔葬時財力不逮儀物多闕今具石床望柱用衛

墓道因此略告前後首尾以伸我情吾與孺人初醮相遇三十餘年一室同住生子見婦生女見婿子又生子呼以祖母酒醬籩豆夙夜不懈閨門之內怨言則鮮性既拙怯言又寡默愚庸作對允矣相合往在辛未先考之喪每月朔望三年饋奠家雖貧窶極力辦備庶伸吾情歲值乙亥正月四日余以譜事方發南行舉家之人餞送郊外孺人獨在後涕泣不已心雖恟之事已決矣艱抵譜所滯留三月初六日早朝孺人病報來自義城即時發程罔夜馳歸以卒中風症不省人事在傍呼之張目視之而已時至命盡乘化歸真此豈非孺人心靈已發露於送別之時耶顧此冥頑罪在無知上有八耄老母下有七歲幼女惟此情境實難寬抑厥后十二年丙戌之歲又當先妣之喪內無

孺人之援助外有烏夷之配給喪葬祭儀一不如意窮天
極地之慟何時可淺踣涼蹤跡單身隻影入室如空持心
如寄年迫八耄髮白齒落不遠同穴永安體魄百年深情
一柩薄奠陳此厥由尚冀享之

上樑文

尚州郡蛇浦十九代相考按廉公齋舍重建上樑文
兒郎偉尚之東五十里有丹密縣蛇浦寔我先祖墓舍所
在地壤偏少山川炳靈刻孝里於道周補孝水於涓水不
有我祖曷其得名夫此舍之創建未能的知年代因歲月
之浸久兼風雨之磨湮簷欄滲漏久風日之不蔽壁面破
壞爲蟲鼠之希望竟不扶持終乃顛覆子孫散而遠居長
老以爲大戚顧惟雲仍敢不究心是以齊會一門爲相謀

於鳩財簡擇任員務廣求其掄材幸諸族之哀憐各受金
於每戶仍舊基址而排置省前間數而計畫運木石而陳
繩墨督群工而不日成爰即基室創爲傑閣溪山從茲動
色雲物倍前增輝功倬見效落成有期不惟諸族報本追
遠之誠媿媿不已顧乃先祖左右陟降之靈洋洋如臨祀
事將成安而享之流澤無窮餘蔭永存後孫昌大福祿日
臻聊出六章之詞相與呼而歌之

兒郎偉拋梁東曉日曠曠出海中洞壑鮮明開豁後照來
齋舍半簾紅

兒郎偉拋梁西洛水長江眼際低逝者如斯終不息子孫
福祿此同齊

兒郎偉拋梁南陟降先靈在此庵永世無窮遵守意一年

一祭獻樽三

兒郎偉拋梁北棟負櫬猶星拱極一本萬殊能識否靜中
默會在膏臆

兒郎偉拋梁上地是尚州蛇浦鄉先德巍巍誰可及兩全
忠孝義堂堂

兒郎偉拋梁下仍此舊基成大厦吾族經營凡幾歲竣功
不遠是天假

伏願上梁之後神靈安止餘蔭下流遠近雲仍各得畢露
茲蔭大小諸族咸知尊祖敬宗安堵開業不墜祖先之忠
孝尊賢隆師無廢後承之文學爲州里之務式成當世之
儒宗惟不入於悖道是乃所以深望

儉巖忠孝祠重建上樑文

忠爲萬古之節孝爲百行之源卓乎十先生行誼自在宜
乎一體祀享禮是當非但一鄉之景仰實爲一國之矜式
重峰趙先生猖獗烏夷之寇唱率義旅之衆報國殉節殺
身成仁月浦韓先生龍蛇之變車駕西狩白衣伏劔千
里覲王養一申先生遽當昏朝板蕩之時請誅賊臣擅
弄之奸又當親濟危篤之日連有掌燃祈禱文夕安素宋
先生憫父之病赴國之難忠孝兩全身嶺之痛永安之
涕義氣一串安履其素不爲物遷四友李先生磨劔報讐
主一無適之心叫闔訟師生三事一之誠千仞壁立之氣
像一脉路正之淵源癡堂延先生歲值屠維運丕坤位
瀝血抗章聲罪二奸供辭直道力伸三臣贈謚毅愍
旌閭忠孝叅判池先生在昔困敦虜寇肆凶事當倉卒

國步蒼黃 御樓問策伏劔請兵天地誓心縋城搏賊竟
 不旋踵終成大節氣結青虹忠貫白日四益下先生孝以
 曾閱養志學以程朱爲心至誠禱天迓續親命啓牖後進
 儀刑近方先正補美 聖朝褒嘉處士申先生孝感神明
 水魚效異德及隣里惡少從化生前有賜米之恩歿後有
 贈爵之典瓦村朴先生其事親也懷果袖肉以悅親口
 其侍病也嘗糞斫指以延親壽居喪無異少連泣血一如
 子臯惟此諸賢並萃同郡創祠院於甲戌而未遑泯沒改
 堂室於辛丑而人有媚嫉抑鬱六七載而幸蒙春曹之好
 題敬奉四五賢而將修秋丁之安享四方互相發文九家
 子孫乃爲完議堂室翼然屏席儼然酒脯儻然享祀甬然
 世道降秩人心歎淪適值大院君時代之毀掇永爲十先

生祭社之欠闕村虛巷空父老流涕樹茂草荒行客指黥
運有循環理不終塞復祠之議始於昨秋鳩財之論完於
去冬隨其力之贍弱出其金之多小舊基址回復於韓氏
之門新棟材專當於鄭氏之家木石運而絕墨陳董群役
而閔月成天不慳地不秘而新舊同樣山增佳水增麗而
遠近生色芳躅俱存尚想前哲之精靈洋洋如臨遺蔭餘
在切望後生之講學濟濟復興修一梁而斯舉作六偉而
爲頌

兒郎偉拋梁東地是清州首谷中先生杖屨倘佯處次第
奉安一體同
兒郎偉拋梁西水自屏巖抱院低不舍晝宵終不息後承
忠孝此同齊

兒郎偉拋梁南陟降精靈在此庵吾儕今日藏修意安享
春秋拜獻三

兒郎偉拋梁北心似衆星每拱極巍巍威德誰可及移孝
爲忠盡命國

兒郎偉拋梁上山勢高低不可狀天光雲影徘徊裡畫出
新祠後一嶂

兒郎偉拋梁下不日督工成大厦此事雖云追慕切豈其
偶也是天假

伏願上樑之後時牲淨潔益虔俎豆之禮課業篤實無怠
絃誦之聲神其歆格牖迷俗而爲鄒魯人其欽慕變頑惡
而爲忠孝世引勿替是所重望

文博十三代祖考直長公齋舍重建上樑文

先兆在密通之地載甬載瞻後孫致追遠之誠肯搆肯堂
 豈敢創新寔是遵古發原有寒泉之規建寧有慕庵之制
 惟茲清州文博之區乃是鵝洲申氏之基粵自外先祖乘
 峰道察訪杖屨之所爰洎我先祖尚衣院直長衣冠之藏
 松栝鬱蒼十三世卹隴久傳霜露濡降四百年香火勿替
 顧惟齋舍之初建未知年代之何時南方之窺峰尖高文
 筆名稱西山之秘靈潛周艮坤坐向歲一祭之禮制永遵
 十月初丁宗衆議之計畫完成六間前退棟樑成抱堅固
 雄壯堂室合度方正完麗人有禍福物有興替理之常也
 數之然也歲序悠久正欤易朽風雨磨涅防漏補缺終不
 維持將乃傾頽每於奠基已畢必須入齋會議望封塋而
 寓羹墻之慕瞻棟宇而念建築之勞將以事巨而力綿恢

拓無策重之族孤而財縮經畫難得幸茲上章之年適值
文明之運子孫協議而同聲長老贊猷而興事逮前冬而
謀始自早春而屬功山有木石若鬼神之輸運工陳繩墨
宜規矩之方圓美哉優乎庭宇堂室左右有方儻然翼如
榱桷棟楹前後得宜山川改觀宛在今而懷昔街閭動色
咸舍舊而從新克繼先祖之遺躅應知後孫之漸昌遠瞻
蛇浦瓊竹特立近接松洞三孝并出三春三冬勸族黨之
隸業一年一會悅親戚之話情載舉一榘之好修恭陳六
偉之善頌

此中
拋梁東曉窓朝日影曛曛正衣敬誦先遺訓義理分明在

拋梁南筵憶前居不可堪本自安東豐北面移來清邑有

斯庵

拋梁西山高露積案前齊踈簾暮捲堂中立落照穿林峰

上低

拋梁北崔巍帳幕接辰極子孫次第斧堂連思慮悲愴實

難抑

拋梁上天昭昭人多仰千秋萬歲至誠心洋洋尊靈願

歆享

拋梁下一帶長川抱大野逝者如斯混混流爲心放海無

時舍

伏願上樑之後文風更振家業復興登斯堂也願齋舍而致誠慕陟彼邱兮向世德而思緹述按廉公之遺澤迄今猶存北松亭之文萃自此可作

祭文

祭素堂先生文

維 永曆二百七十二年歲次戊午十月五日己未卽我
素堂先生第二忌日也前五日乙卯朔日門生鵝洲申天
錫謹具西山巖東海酌而來哭之曰嗚呼天下之生久矣
一治一亂理之常也而於其亂也必有大人結梢而因基
來復今日之任此責者豈非我先生也歟嗚呼先生以清
明溫粹方正確實之資用死工夫夫祈寒暑雨造次顛沛
未嘗有須臾之間以至六經之奧義百家之異說莫不探
頭而又於性命理氣之蘊人獸儒釋之辨尤刻意覃思精
詣實踐洞見大源因作學問栗尤塘之義理萃重省之時
義爲學準則蓋先生學問之精深德行之淳備論議之峻

發出處之正大皆自古聖賢規矩中出來如祥麟儀鳳之
 瑞世如泰山喬嶽之鎮物日星于中天砥柱于奔流而其
 高才遠識貫穿今古偉略宏猷軒輊宇宙蔚然爲斯世之
 儒宗其修齊之嚴謹樹立之卓絕特餘事也豈非所謂結
 梢大人也歟嗚呼先生學問之精道德之高生丁不辰不
 得展布一世躬蹈奇禍只以節義著名豈天所以生出今
 日之意也耶重以血肉靡遺家人兄弟流離困厄且儒以
 爲名者恣其詬辱罔有紀極噫嘻甚矣何其毒之至此然
 當日所遭特一時事而所伸者萬古綱常大道則真所謂
 有所爲而生有所爲而殺之者也彼紛紜之徒慘毒之禍
 何足以加損於先生哉嗚呼顧余小子同居一巷出入門
 下二十年于茲矣陶鑄所暨斯焉取斯猶爲歌后則宜爲

君子人矣而終未免為鄉人追念撫躬愧怍可言然拈開
黃卷時有窺班不至於全然盲瞽者豈非平日受恩之罔
極也歟竊擬自茲以往服田養親課兒之餘唯願讀先生
之書守先生之說省身補過無陷大懼則倘或由是而報
先生之德也歟伏冀英靈洋洋左右亦將有以默恤而冥
薦之也歟嗚呼哀哉尚饗

祭內舅洪公 在一文

維歲次甲戌三月乙卯朔十一日乙丑表姪鵝洲申天錫
謹具酒果之奠以先考諱日不能遂行因老母力疾赴往
使次子泰來侍杖屨而隨行遽哭于內舅洪公靈筵之下
曰嗚呼昔我外翁子女八育舅氏序三吾母居六恩鄉故
家南陽古族公性剛直公儀清肅恭惟昔日先人與叔義

祭文

三十一

雖姻好情實骨肉春風秋月每每相逐有事必問有酒必
速不幸辛未小姪守制公之時年八十餘歲匍匐來臨不
計筋力未及苦房滿中淚涕慰余罔極慇懃仔細不忍旋
別近月留滯携筇而歸道路迢遞自是問候雖繼哀惶之
故一未造詣越一明年癸酉之春以余先考大祥之辰奄
忽長卧飄然化真嗚呼哀哉小姪此身失怙之餘又喪精
神驚惶罔措悲不可量今其已矣萬事淒涼天長地久四
顧茫茫日月不留奄及小祥小姪此日摧裂心腸追慕孔
劇恩義難忘謹治菲奠替薦單觴尊靈不昧庶垂歆嘗嗚
呼哀哉尚饗

祭尹公榮來文

維歲次戊寅二月癸巳朔十七日己酉鵠洲申天錫謹具

家饌再拜伏哭于坡平尹公靈几之前曰嗚呼惟公有生
之初天資粹嫩淳厚其表真實其裏孰謂不學敦朴君子
早執稼穡儉約基址城外之桑園中之李衣食自適一生
可止弱息所天惟公長孫與我先人非惟查思其前契分
自後彌惇一嶺相隔往來頻繁花朝月夕有酒盈樽評今
譚古氣和言溫往在辛未先人棄孤公年隆邵不彈崎嶇
喪葬祥暮每每慰吾一宿而還不待杖扶意謂康寧遐壽
無彊豈料前春二豎來傍人間萬事一夕淒涼嚴肅儀容
何處可望叮嚀教誨何時可忘歲月如駛祥暮又當微喪
所感自然無量追慕疇昔歎徒長燕辭薄奠告訣靈床
惟公之靈庶幾臨嘗嗚呼哀哉尚饗

祭內從兄 鍾益文

嗚呼兄之先考吾母同氣男妹八人最長舅氏伯祖無育
出爲后嗣兄之與我戚在六寸分雖如此情實季昆早失
所怙吾母負養以此之故恩義難像頻數來見春風秋月
竭盡誠意至于白髮築室熊羆山高地僻登山臨水優遊
自適昔我訪兄兄先笑顏送兒前村沽酒以還數盃相分
說古道今情義如此老而彌深謂當百年往來相尋不意
一朝二豎來侵今焉已矣何日更覲禮制有限靈几將徹
一盃哭奠兄庶敬格

祭趙漢淑文

維歲次辛卯十月癸卯朔十三日乙卯鶴洲申天錫
謹以酒果之奠遣長男泰赫再拜跪哭于靈几之前曰嗚
呼惟公花庄故老北鄉傑士發越其表坦蕩其裏人之爲

行孝莫大焉至誠奉親甘旨俱全養生送死必遵古賢終
 身慕之至于老年每月朔望拜省先阡義方教後肖子賢
 孫靈芝有根醴泉有源足振家聲昌大其門諸從昆季同
 在一村有客來會有酒相樽花朝月夕無日不存怡怡嘻
 嘻不憚其煩隣里有喪匍匐救之抱懷山術明見察知定
 其它兆揀其日時完人大事施惠莫比惟我愚陋戊子之
 春不鄙寒微猥蒙朱陳始得相遇情意日新一舍之地往
 來紛續意謂百年此樂頻頻無何一疾周年吟呻竟至不
 淑云亡古人人間萬事沓沫虛影說之何益言之何境卷
 未哭奔奠未訣永是何緣由時事蒼黃今春以後始哭几
 牀靈宇陰陰寂寞室堂暫慰允哀旋即歸行嗚呼居諸日
 月復周星霜陳此薄奠效昭單觴奠不親斟哭亦替聲願

祭文

三十三

此晚質白髮已成不遠泉臺叙懷同情薦此悃福尚冀歆
誠嗚呼哀哉尚饗

祭從兄豐錫文

代族弟正錫作

維歲次辛卯三月丙子朔十日乙酉從弟正錫舍哀茹痛
謹以酒果奠于從兄之靈曰以兄粹美之資溫良之德居
家也孝於親友於弟接人也遜于長信于儕懇懇乎勸兒
之讀諄諄乎勉僮之耕無適不當上下和悅隣里服從此
苟非兄之寬厚慈惠烏得以若斯也嗚呼惟我諸從兄弟
同居一巷花朝月夕無日不集怡怡嘻嘻式相好矣天理
難謀人事多變次從兄先逝己卯之夏仲氏不淑於乙酉
之冬己丑之春兄亦以六十九歲棄弟所存者惟家伯與
弟耳言念至此悲不自勝最有可幸者兄逝之後兄之大

哥移自清州卜築于內谷次哥前秋又卜築于洪谷三哥
寓居於北面書院里昨今兩歲亂離之中各自安保庶幾
可慰而抑或默佑於冥冥之中使其然耶兄其知之乎其
不知之乎敬將清酌時羞告別于永訣之靈靈不昧庶鑑
我衷嗚呼哀哉尚饗

祭內兄洪鍾采文

維歲次壬辰正月壬申朔十七日戊子表弟鵝洲申天錫
謹以菲饌薄盃奠告于學生洪公象生之前曰嗚呼人孰
不死死孰不悲吾於兄死尤有甚悲於人者兄何負神明
而幼呱失怙中年叩盆老哭喪明因此爲崇奄然長逝耶
死而無知雖骨肉至親亦將漠然漠然而終於不知死而
有知孀婦孤孫將使疇依而棄之如遺耶吾不知兄之知

與不知亦安知兄之知我之悲與不悲耶外祖考勤儉慈
愛積而能散內舅氏豪俠好義救人急難而兄何不蒙其
積善之慶而遽爾如斯耶吾嘗聞積德百年而後興其餘
蔭遺澤尚未及於兄而然耶此所以天理難謀人事莫測
者也然一陰一陽一興一替一盛一衰理之常也當今衰
替之漸豈非後來之陽復耶幸今一孫兄逝之後能幹家
事繼述先業敦行孝悌此弟所以深望者也兄所以默佑
於冥冥之中者也兄何戚於九原我何悲於今日耶昔韓
昌黎祭人文曰悲不能幾時而不悲者無窮期斯言信不
誣矣弟之於兄年雖少於六齒而卽爲忘年分雖在於內
外兄弟而情實無異親兄弟源源相從兄來我往把酒相對
舒懷論情今焉已矣夫復何言嗚呼竊流歲月不與我留

倏忽之頃祥期再周敬將時羞之具詣於將掇之筵告以
永訣之辭宵臆哽塞自不能言嗚呼哀哉尚饗

祭叔母孺人宜寧南氏文

代族弟正錫作

維歲次癸巳二月乙丑朔十日甲戌從子正錫略具時羞
之奠奠于叔母孺人宜寧南氏終祥前一日靈筵之下恭
惟叔母以婉順之德明淑之姿言溫行美無一非儀非唯
閨範爲世女師當時諸婦孰能如斯宜配君子備享福履
如何不然天理難知叔父早世孀居泣血又哭嗣子心腸
如裂言及于此一飭三噎一生經歷何可盡說最可幸者
有二從姪能行孝悌克守舊轍誠心供養甘旨不絕至于
暮年漸得喜悅男女曾孫座前羅列氣力尚彊左提右挈
意謂百年此樂不竭無何一疾數月不撤舊疴未痊新恙

更迭奄然一朝與世爲別七旬有六享得大耋嗚呼人孰
不死死孰不悲悲甚於人命道險奇若言所過孰不噫嘻
雖然喪憾貪窶酸醜辛苦小不磨理一心篤純如立顏波
奮不顧身確有操執不失天真嫁女娶孫皆擇賢人克持
門戶舊業復振可謂叔母全生全歸俯仰無忤丹心光輝
今焉已矣夫復何言哉日月有時祥期再回恭伸微忱敢
薦薄枉英靈不昧庶幾臨來嗚呼哀哉尚饗

祭金商憲文

代舍弟朋錫作

維歲次甲午五月戊子朔六日癸巳夕鵝洲后人申朋錫
謹以醪單饌薄之具奠于故學生金公象生之前曰嗚呼
惟公清鄉古族桑村后裔得之家訓者既博以精而不待
師友講磨之益得之天資者既粹以美而不煩學問矯揉

之力處家庭則孝友達聞交朋友則信義昭著至於收恤
 宗族而接引後來蓋孜孜焉無不用其至見人之善唯恐
 不及聞人之惡耳可得聞口不開言雖世之儒學之士莫
 能冀及公之隱德潛行也朋之愚陋重以婚姻之義晚歲
 辱知情誼愈篤意謂穠春素秋互相往來把酒相對談古
 評今以樂百年何愚憶之不中奄一夕而長終人間萬事
 泡沫風燈雲洞寂寞南川嗚咽第有一言奉告者公之令
 愛無何一疾呻吟數月公之在世時所睹也應不瞑目於
 九原之下而公逝之後漸至勿藥之效宛如一天之雲捲
 東山之日曙轉成完人兩家慶幸莫此爲大倘默佑於冥
 冥之中而然歟嗚呼哀哉日月奔流星霜再回今茲一酌
 是豈情誼乎其爲愧負蓋不勝言緘詞寓哀尚冀歆享嗚

呼哀哉尚饗

祭長姊孺人申氏金氏婦文

維歲次乙未六月辛巳朔十四日甲午舍第申天錫謹以
清酌庶羞敢昭告于長姊孺人申氏象生之前曰嗚呼哀
哉惟我同氣男妹四人四人之中姊氏最長胡天與德而
不卑之福早年晝哭左右携孤生事淡泊菽水屢空何故
以叅奉公之盛德而不能庇其後以吾姊之仁厚而不克
蒙其澤予人孰不死死死孰不悲悲莫甚於吾姊而一生經
歷之事不須言而知矣小第今日割半之悲欲言之而不
忍盡也幸我二甥稍稍長成見婦抱孫晚年之樂庶可少
慰以大耄之年奄一久而棄世嗚呼哀哉訢訢之容凋凋
之識疊疊之積閒閒之執今焉永闕誰嗣其則尊且賢矣

而可以爲世女師考其言行可質經傳嗚呼墓在我山有
時上墓哀省三周寂寞無言宿草徒長我淚橫落今當初
期之夕敢以荒辭菲奠入哭靈床之下言有窮而情不可
極一盃永訣痛徹心腸伏惟尊靈庶鑑我衷嗚呼哀哉尚
饗

祭朴公聲夏文

維歲次戊戌十二月辛卯朔十日庚子卽故學生朴公之
琴祥也前一日己亥夕鵝洲后人申天錫謹具脯果之奠
以風寒感冒之疾數日叫苦抖擻不得以長男秦赫再拜
替哭于象生之前而告之曰惟公密陽故族菊堂莘冒天
資粹美儀容清肅其居家也孝親友第其處鄉也敬長親
友睦宗族和隣里接引後進至誠勸勉下至僮僕曲盡其

情孜孜母忘而增廣田廬以爲子孫之計勉勉遵守而承襲箕裘不墜祖先之業環顧斯世孰與爲儔惟我謏愚猥被姻班歲一再往累侍門屏則先問寒暄後進盃酒評古譚今乃至燈炮月移然後退宿如是者幾十年矣年雖大耋氣力尚彊拜退之時無慮而還不意一夕二豎設計天耶鬼耶如夢如真嗚呼痛哉公之志之高行之美不可得而復見甌山如嘖注洞如空今其已矣夫復何言星霜倏忽筵帷將掇今我無言復俟何日一杯長痛雪虐風裂伏惟尊靈庶賜鑑臨嗚呼哀哉尚饗

祭伯兄文

代作

嗚呼自兄之棄我兄之儀形無日不在於目而望望焉如有求而不得悵悵焉如有失而不及慟割之情踴涼之懷

窮天極地無處可洩轉眄之頃星霜一周方欲大寫心中之所蘊發露於靈座之前則胸臆填塞語無倫次筆不能下也如是而終無一言則又豈此心之所忍爲乎嗚呼兄之居家也孝於親而友於弟處鄉也敬於長而信於友接人以禮交隣以義接引後進誘掖勤勉御下僮僕仁愛撫恤宗族鄉黨莫不稱之謹守先人之舊業而勤儉作爲增廣田廬以至奉祭祀接賓客皆有品節苟非我兄之治家孰能如是乎嗚呼以若小第之不天年及五歲遽失慈闈才踰勝冠家君又見背御恤罔極依兄爲命而兄與丘嫂輒能覆庇長育而成就之所以不失墳麓之唱和者殆三十餘年于茲矣以兄之完厚安重宜享遐齡今何望七而未踰使我抱此至慟耶嗚呼第之淺露每悅兄之寬厚而

未能學焉第之輕薄每悅兄之嚴重而未能學焉自病多
言而未能學兄寡默自病躁擾而未能學兄簡靜雖未能
學而亦未嘗不以爲一生欽慕也嗚呼今見丘嫂晝哭之
痛賢侄罔極之哀俊孫永慕之悲使此第益所失聲長吁
者也嗚呼天長地久宇宙曠漠人於其間每以私愛惡切
切怛怛於死生禍福之際亦已陋矣此則我兄已先閱了
而覺了觀化之日談笑自若少無吝歸之意小第今日亦
知悲不能幾時而不悲者無窮期矣更何言哉

祭外姑孺人康津李氏文

代孫完植作

嗚呼哀哉惟我外姑以仁慈之性清閑之節出言審詳持
身簡潔安貧守分事無苟且治家節操蓋有所自勉勉我
孜六行惟謹違心害理絲毫不忍閨門儀範可爲女師愚

蒙猥托十年于茲獲被眷愛每子視之竊覲其德壽考無
期人事莫測天理難思年未六旬遽爾至斯嗚呼哀哉念
昔愛情心腸摧折後山如嘔前澗如咽隙駛無停音容日
忘禮制有限將掇几床含哀致誠恭薦一觴一字一淚萬
古永傷靈如不昧庶幾臨嘗

祭從弟經錫文

維歲次庚子九月辛巳朔三日癸未卽我從弟經錫之琴
祥前一日壬午夕從兄天錫略具一盃酒數品果使長男
秦赫操數行文而告訣於靈几之下曰嗚呼吾家本以貧
寒之族八世以下了了單傳再絕再續至于曾王考有子
三人吾祖居季年未及三十而違世亦有子三人伯從祖
考又爲無后我伯父出爲嗣續各有子兄弟自此以後吾

家運會庶幾回旺六從昆季往來受業于素堂金先生之門相會一室無日不討論講磨宗族羨之鄉黨稱之壬戌以後宗家從弟次第俱沒喪威存疊門運之威衰興替其亦有數此將奈何吾與君晚年相依濟其窮院而望其碩果之復生矣君亦至此我將疇依吾之生還不如君之死之爲安嗚呼痛哉君之塚宅與我先府君墓同崗而歲時佳節每爲展省則先過君墓履域三周慘痛之情悲苦之心君亦知之耶抑不知耶一聲長恟萬事悠然嗚呼哀哉尚饗

祭從弟

明錫

文

嗚呼明錫棄我而先朝露者遽爾三年於斯矣孝友之行慈詳之性何時復見以慰我後死者之私乎嗚呼吾之先

王考先府君兩世而分者已過再從而吾從行之同隊者
 至於六從昆季一里同往年齒相近志業相同相與追隨
 於翰墨之場諸父兄皆以立揚期之矣家門運丕魔鬼成
 崇大宅從第次第彫謝君之兄弟亦繼而逝昨臘又遭舍
 弟喪所存者惟吾耳年迫八耄百念俱灰悠悠蒼天此何
 爲哉嗚呼哀哉君之墓在吾父母階下君伯氏之墓上君
 歸當日侍吾父母與君伯氏共得團會之樂耶又有可恨
 者長子未孫季子未婚應不瞑目然惟所冀者君之魂靈
 默佑於冥冥之中使三子各得成就堯繼君未究之業此
 外復有何恨臨風灑淚心腸摧折

祭舍弟 朋錫文

嗚呼汝何忍捨我而先逝我何忍訣汝而後死耶天生斯

中月集卷之二

祭文

三十一

民壽命不齊人各不同天實爲之爲之何哉雖然踽涼之
 懷鬱陶之情無日不切觸噫倍傷春日暢和山花燦爛則
 思汝之心鬱然而生自不勝獲淚交下望夜清明窓月皎
 潔則思汝之心油然而作忽不覺中心填塞悠悠蒼天此
 何爲哉嗚呼汝之在世也入孝而出悌論學而取友守拙
 而安貧隣里服之鄉黨稱之幸見不可見之人而奄懷不
 再見之悲我安得不長吁永歎而繼之失聲也嗚呼人孰
 不死死孰不悲我之悲莫如汝死人孰無兄弟我之心莫
 如汝之爲第矣出入與同焉甘苦與同焉喜亦喜怒哀亦
 千千萬萬悲悲樂樂無不與同豈料一朝先我而長逝乎
 八旬殘生獨立斯世孰與爲儔嗚呼痛矣尤有可悲者汝
 之臨終呼兄一聲使我終身結恨者也所言者多而不能

言只此一聲永訣聽此者其當何如哉轉眄之頃墓草宿
矣祥期當矣不能無一言故以此告之汝其知耶不知耶
嗚呼痛哉嗚呼惜哉

祭道長齋朴元圭文

維歲次丙午十二月乙亥朔十九日癸巳夕鵝洲后人申
天錫謹具隻鷄單觴之奠使孫完植再拜遙哭于學生朴
公象生之前而告之曰嗚呼惟公密城華胄清鄉故族稟
性溫雅宅心純真出言審詳持身簡潔居家也孝於親處
鄉也敬於長宗族稱之鄉黨仰之胡爲乎未及六旬奄一
夕而長終耶有德而不年爲善而無報天意溷茫而有不
可得而推者矣嗚呼自公遊坐墓草再宿而余無哀死一
言非余忘之事多掣肘而然矣今無一言何時可言嗚呼

人之死生如日之有朝暮是其常理何恨何悲如公者在
生之世各盡其道一無所歎且自鶴駕上俯睨塵寰故里
則四子叫號群孫環哭何其多福也嗚呼隙駟無停星霜
再周緘辭酌酌以寓一哀英靈不昧庶幾臨格嗚呼哀哉
尚饗

祭東隱李南珪文

維歲次己酉正月癸亥朔二十四日丙戌卽東隱李公觀
化之第一忌也前一日己酉夕友第鵝洲后人申天錫謹
具薨果酌酌病不能匍匐於靈几之前而哭之使長男泰
赫搦文逋哭而告之曰嗚呼惟公韓山右族清原世家牧
隱肖孫酒村老爺學習家庭矯揉不加持身介潔出言審
詳孝親友第尊賢敬長宗族鄉黨施惠昏卷至于僮僕曲

盡心腸口不雌黃行不便嬾勤儉裕後至誠奉先每事正
直不爲飾邊自初至終八十餘年違心害理絲毫不爲公
之與我早年相知同鄉交契通家好誼公來我往春秋爲
期意謂百年永保此樂天理難謀人事莫覺無何一疾沉
緜數朔二豎設計扁筆退却藥不見效竟乃臯復人間九
十飄若風燭嗚呼哀哉哲人云亡天長地久四顧茫茫街
童走卒莫不悲傷昨春哭公寂寞空牀默默無言徒垂帷
裳一宿而還我心悵悵日月不留一周星霜薄奠燕辭祇
薦一觴英靈不昧庶幾臨嘗嗚呼哀哉尚饗

祭龍菴朴章圭文

代家兒作

維歲次庚戌七月甲寅朔八日辛酉即學生密陽朴公觀
化之第一忌也前一日庚申夕友人鵝洲后人申泰赫謹

具酒果之奠拜哭于象生之前而告之曰嗚呼惟公真可
謂今世上君子人也昔孔門子夏曰賢賢易色事父母能
竭其力事君能致其身與朋友交言而有信雖曰未學吾
必謂之學矣此言於公最爲格切之言也平生爲行賢人
賢在家孝於親友于兄弟與朋友交言而有信口無雌黃
目無睚眦一言一行一動一靜無非規矩中出來此豈非
今世上君子人耶惟余譎劣猥蒙朱陳之誼春風秋月互
相往來先問寒暄走兒前村沽酒而還痛飲數盃談桑詵
麻評古譚今或至二三日而各分以爲百年永保此樂不
意昨秋二豎來侵嗚呼哀哉今焉已矣復夫何言日月如
駛祥期又當薄奠無詞告此永訣天長地久四顧茫茫昔
韓昌黎祭人文曰悲不能幾時而不悲者無窮期矣此實

格言也嗚呼哀哉尚饗

祭外姑孺人延安李氏文

代姪秦漢作

維歲次辛亥五月己酉朔卽我外姑孺人延安李氏第一
忌前四月二十九日戊申夕外甥鵠洲后人申秦漢謹具
隻鰠單觴之奠再拜哭告于靈筵之前曰嗚呼哀哉惟我
外姑叔母今世上古人也謂尊且賢宜爲當世女師如何
沉悔如斯耶年雖大耄孰爲滿之訢訢之容淵淵之識聞
聞之執豐豐之積今焉永闕誰嗣其則嗚呼哀哉惟余小
子越自妙年媿蒙甥館春風秋月每每進謁愛我殊甚殺
鷄爲黍沽酒以還告別之日必問復來之日如是近十年
意謂百年永保此樂偶然去夏遽爾沒世嗚呼哀哉小子
無福令愛故于吾家未過十年奄忽不淑幸生一男至今

長成生男生女實爲吾家主鬻之孫人生有死理之常也
何限何憾星霜不留奄及初期薄奠燕辭薦此微誠言有
盡而意無窮嗚呼哀哉尚饗

祭內舅敬齋申公朋錫文

代甥姪金世濟作

維歲次癸卯十二月癸亥朔二十日壬午卽我內舅敬齋
鵝洲申公之終祥也前一日辛巳夕甥姪慶州后人金世
濟謹以酒果之奠再拜哭告于象生之前曰昔我外翁子
女四人吾母序一舅氏居三同氣之情與人特異惟余小
姪早孤餘生生計剝落中歲以後侍母在京北亂之時罔
夜馳來同里相住情義尤篤惟我內舅熟習家庭出入惺
門學文有餘德行慎重在家孝友接人忠信至於下肆曲
盡其情一鄉皆曰今世上君子人也意外一疾呻吟數月

藥不見效竟至不淑嗚呼哀哉舅甥之情今焉已矣復夫
何言日月流邁祥晷再當薄奠燕辭敬薦微忱英靈不昧
倘其歆享嗚呼哀哉尚饗

祭全州李昌鍾文

代家兒泰來作

維歲次甲辰三月辛卯朔十七日丁未卽我婦弟學生李
君觀化之期也前一日丙午夕妹夫鵝洲后人申泰來共
與令妹謹具家饌詣象生之前哭而告之曰嗚呼哀哉君
之此行尚忍言哉尚忍言哉上有七耄父母下有未成兒
子何忍一朝棄之如遺而奄然長逝耶余實昏冥慌忽莫
知其何爲也嗚呼哀哉天下之生久矣世降叔季風氣日
繞荆棘成叢而芳蘭不榮鷓鴣成群而鳳凰不聞舉眼回
顧齷齪澆忍頑惡無恥之輩踵相接而肩相摩一有聰明

祭文

三十四

英秀之人出於其間而或窮餓之夭折之此豈非氣清數
局而然者耶余實莫知其天理之所爲也嗚呼哀哉日月
不留祥期奄迫其於至情今無一言何時可言茲以薄酒
一盃永訣千古此義君其知之耶不知耶默默無言余之
膏臆只自哽塞而已嗚呼哀哉尚饗

祭端人結城張氏文

代人作

維歲次甲辰七月乙丑朔二十七日乙卯卽我故從叔母
端人結城張氏琴祥之日也前一日夕甲寅從姪蔡文鴻
謹具家饌再拜哭于靈几之前而告之曰嗚呼惟我從叔
母閨門懿德尊具賢矣而可以爲世女師云胡不淑至於
斯耶年雖大耋孰謂滿之訢訢之容凋凋之識疊疊之積
今焉永闕誰嗣其則惟我從姪夙承典刑聞言考行可質

經傳雖甚不肖實深欽慕嗚呼哀哉日月不留奄及大暮
禮制有限明當掇筵今無一言何時可言謹將薄具薦此
微忱靈其不昧庶幾歆享

竹淵集卷之三

竹澗集卷之四目錄

墓誌

十三世祖考直長府君墓誌

十二世祖考軍器寺叅奉府君墓誌

十二世祖考軍器寺叅奉府君繼配寧海朴氏墓誌

十一世祖考東部叅奉府君墓誌

十世祖考僉知府君墓誌

高祖考學生府君墓誌

曾祖考學生府君墓誌

皇祖考學生府君墓誌

族弟退雲學錫墓誌

墓碣

十五世祖考禦侮將軍副司勇府君墓碣銘 并序

九世祖考僉樞府君墓碣銘 并序

資憲大夫工曹判書周公 禧墓碣銘 并序

墓表

軍器寺叅奉公繼配端人寧海朴氏墓表

東部叅奉公墓表

傍先祖學生公 長吉墓表

敦寧都正申公 昌燮墓表

折衝將軍行龍驤衛副護軍周公 鼎梅墓表

族先祖丞旨公 鑣遺墟碑

竹澗集卷之四

墓誌

十三世祖考直長府君墓誌

公姓申氏諱幹字直卿官奉訓郎行尚衣院直長貫鵝洲
 按廉使退齋諱祐之六世孫也曾祖諱乾內禁衛祖諱始
 生副司勇考諱介甫司直妣星州李氏自嶠移于清州文
 博里有遺訓 中宗己亥二月二日終葬于所居後壬坐
 原娶玄風郭氏察訪原道女獲墳子男億齡叅奉萬齡千
 齡百齡叅奉彭齡女適蔡佐郎無悶孫曾以下不盡錄丙
 子三月 日

十二世祖考軍器寺叅奉府君墓誌

公姓申氏諱億齡字耆雄官効力副尉行軍器寺叅奉鵝

州人按廉使退齋諱祐之後也曾祖諱始生副司勇祖諱
 介甫司直考諱幹直長妣玄風郭氏某年三月三日終葬
 于清州郡琅城面大閑峙陵谷壬坐原娶月城李氏義臣
 女某年四月二十二日終墓合祔子男楫極植栢叅奉女
 適鄭忠碩朴贊李景胤娶寧海朴氏墓今郡面芝山里仙
 洞子坐子男桂樞杞孫曾以下不盡錄丙子三月 日

十二世祖考軍器寺叅奉府君繼配寧海朴氏墓誌

端人姓朴氏貫寧海効力副尉行軍器寺叅奉鵝州申公諱億
 齡之繼配也墓于清州郡琅城面芝山里仙洞子坐原生
 三子桂樞杞丙子三月 日

十一世祖考東部叅奉府君墓誌

公姓申氏諱栢字公羽官將仕郎行東部叅奉鵝州人按

廉使退齋諱祐之後也曾祖諱介甫司直祖諱幹直長考諱億齡叅奉妣月城李氏某年十一月十日生某年二月二十四日終葬于先考塋階下壬坐原娶安東金氏希顏女某年十月十二日生某年六月三十日終墓合祔子男餘慶麟慶承慶中樞府事僉知後慶女適金從善池達源孫曾以下不盡錄丙子三月 日

十世祖考僉知府君墓誌

公姓申氏諱承慶字丕膺官通政大夫行中樞府事僉知鵝洲人按廉使退齋諱祐之後也曾祖諱幹直長祖諱億齡叅奉考諱栢叅奉妣安東金氏辛未正月十五日生戊戌十一月十九日卒墓清州琅城面文博里直長公墓東麓壬坐配淑夫人靈山辛氏敏善女丙寅十二月六日生

庚辰十月二十三日卒墓合祔五男成吉中樞府事僉知
福吉英吉長吉佑吉孫曾以下不盡錄丙子三月 日

高祖考學生府君墓誌

公姓申氏諱範祚字子洪巨濟鶴洲縣人按廉使退齋諱
祐之后也曾祖翊周祖命九考重行妣安東金氏 英廟
乙酉正月十三日生 正廟癸丑二月七日終葬于清州
琅城面文博里內洞南麓辛坐之原娶清州郭氏致齋女
乙酉十二月二十九日生癸巳四月二十九日終墓合祔
子男學根女適柳英鎮孫男夏煥殷煥周煥辛酉五月日

曾祖考學生府君墓誌

公姓申氏諱學根字季瞻巨濟鵝洲縣人按廉使退齋諱
祐之后也曾祖命九祖重行考範祚妣清州郭氏 正廟

壬子七月十九日生某年九月七日終葬于清州琅城面
文博里高臺巖中麓峰上巽坐之原娶慶州李氏震伯女
正廟庚申十二月九日生 哲廟庚申正月二十四日終
墓瓊墳子男夏煥殷煥周煥女適卞榮春孫男五人夏煥
以周煥長男在成爲后殷煥男在鳳在寬周煥男在麟在
羽辛酉六月 日

皇祖考學生府君墓誌

公姓申氏諱周煥字聖宗巨濟鵝洲縣人按廉使退齋諱
祐之后也曾祖重行祖範祚考學根妣慶州李氏 憲廟
丁酉九月八日生 哲廟癸亥二月二十一日終葬于清
州琅城面文博里百成洞子坐之原娶金海金氏同知中
樞府事宜祚女 憲廟丙申四月二十九日生丙辰五月

十五日終墓合祔子男在成在麟在羽在成出夏煥后在
麟男經錫明錫女適李炳璇金正敦金用權在羽男天錫
明錫女適金商珍朴魯宣辛酉六月 日

族弟退雲學錫墓誌

君姓申諱學錫字忱卿號退雲巨濟鵝洲縣人高麗奉常
大夫司憲府掌令全羅道按廉使孝子諱祐之後也有諱
幹奉訓郎行尚衣院直長自嶠始居清州文博里有戒子
語於君爲十三世祖也高祖諱萬祚曾祖諱海根祖諱明
煥考在老妣金海許烘之女 洪陵三十一年二月十一
日生焉 永曆五周甲午之歲也君生有異質慈良忠信
明敏剛毅始事素堂金先生後遊惺菴朴先生門湖洛是
非之說明辨而極言之學問專以塘翁爲主不幸有疾卒

於己卯五月七日享年四十六葬于文博里高大岩枕丑
之原君出系季父諱在晉後母宜寧南氏啓善之女配密
陽朴氏來光女生二男四女長泰秀次泰駿女金敬植宋
泰永裴賢奎李併周妻

戊申二月 日竹澗族從天錫識

墓碣

十五世祖考禦侮將軍副司勇府君墓碣銘 并序

安東之郡稷谷之洞有枕甲之原卽我十五世祖考禦侮
將軍副司勇府君衣履之藏也府君諱始生號北松亭系
出巨濟鵝洲縣有諱祐麗朝奉常大夫司憲府掌令全羅
道按廉使事親盡孝父判書公卒廬墓三年朝夕號哭有
二竹生于墓前事 聞旌閭暇享于尚州涑水書院於府

君爲高祖也曾祖諱光貴知鳳州事祖諱希信通訓大夫
 丹陽郡守父乾內禁衛府君無意仕進退處鄉廬蒲瀝幽
 居適然有自適之趣家北種松數十株鬱然蒼翠鄉有大
 事每稟府君決於松下仍以北松亭扁其堂娶北安縣監
 金三近女舉四男長以甫訓導次介甫司直次用甫縣監
 次善甫教授子孫散居於本府義城清州而縣監暹以退
 翁門人文學高明學生之孝烏夷之變負母逃難爲賊遇
 害血書勉弟承旨之悖龍蛇之亂倡率義旅以覲王室享
 義城藏待書院叅奉之益昏朝抗疏親齋禱天享清州儉
 巖書院皆爲府君之諸孫也各派繁衍將至其麗不億此
 豈非府君之德厚重流光於後孫也歟前有基礎而殆將
 剝缺不可久傳且檀墟之陸沉亦已久矣本府諸孫發文

于義城清州共謀伐石改豎略記派系焉繼之以銘銘曰
版圖之忠清名直節按廩之孝居廬泣血遙遙厥緒慶毓
府君退居鄉里不求令聞餘蔭流澤諸昆克昌根深葉茂
源遠流長我作斯銘文短意略改豎貞珉永世不泐

壬寅八月日十五世孫天錫撰

九世祖考僉樞府君墓碣銘 并序

府君諱成吉字子一系出鵝洲縣以壽升資僉樞上祖晉
升散園同正二傳而至諱祐麗朝司憲府掌令全羅道按
察使父判書公卒廬墓三年朝夕號哭血淚處獲竹生焉
事 聞旌閣享涑水書院至諱幹官直長自義城移居清
州文博里卽府君之高祖也曾祖諱億齡効力副尉行軍
器寺叅奉祖諱栢將仕郎行東部叅奉考諱承慶通政大

夫行僉知中樞府事妣淑夫人靈山辛氏士人敏善女和
 順貞靜舉五男於序府君居第一府君無意仕進不求令
 名於世混迹於緇人麥詆之中備盡志物誠養父母極其
 怡愉和悅兄弟雅好山水日與賓朋嘯咏其間此其府君
 平日志行之大槩也府君生於 宣祖戊子十二月一日
 塲於 顯宗丙午十二月十四日墓文博里直長公墓東
 麓先考妣墓階下壬坐配淑夫人陽川許氏 宣祖辛卯
 正月二十四日生 仁祖丙戌九月十八日卒墓先考妣
 墓後十餘步子坐生二男一女長漢稷次漢基女柳以沂
 漢稷男翊斗漢基男翊周曾玄以下不盡錄府君之沒距
 今數百載之久而墓顏無顯刻諸孫等坐此倣擾之秋始
 克鑿珉用備陵谷之變屬余墓文遂按家乘撮其大綱而

序次如右銘曰

於赫按廉樹風百世其德惟厚流光後裔孝奉二親撫愛
諸弟遵守秉彝孰敢毀詆寓懷林泉優遊自適久闕表阡
今始伐石諸孫共謀各自出力消吉樹立千古不泐

丁未九月 日九世孫天錫撰

資憲大夫工曹判書周公禧墓碣銘 并序

報恩之南畝西之里金積山上有枕甲之原是故工曹判
書周公衣履之藏也公諱禧草溪之周以後唐莊宗時翰
林學士諱璜遭五季亂避于東國嶠南草溪之府仍居焉
子孫因以爲貫寔爲公上祖銀青光祿大夫門下侍中諱
興寅國子進士諱伯中正大夫典客令諱斌大匡都會議
門下贊成事諡忠章諱正臣金紫光祿大夫禮部尚書諡

文敬諱世候判軍器監事諱砮皆其先也高祖諱鉉少府
 少監曾祖諱濡平州少尹祖諱維檢校將軍考諱備義司
 醜正贈戶曹判書妣 贈貞夫人密陽朴氏公以季房二
 男系伯父后生父原義我朝開國功臣工曹叅議
 贈戶曹判書生母 贈貞夫人密陽朴氏配清州慶氏清
 原府院君貞烈公復興女墓祔二男一女長尚德德川郡
 守次尚仁司正女縣監金子高尚德男允溫資憲大夫工
 曹判書曾玄以下不盡錄惜哉公之行錄屢經兵燹無一
 保存獨尹用求朴珪壽兩公作周氏譜序皆以抗疏明分
 一句書之此其雖略亦足以知公之爲公之大槩矣今春
 後孫等趁此急難之秋慮或陵谷之變始克鐫珉於數百
 載之後如公可謂有後也哉十七世孫道應專當經費而

十八世孫載厚二十世孫永祿以譜系數板謁銘於余余
以下文無德屢辭不獲謹依原譜序次如右銘曰
昔世翰林東遷避亂仍居草溪子孫爲貫羅麗以還名卿
碩德逮至我朝公乃在職宜有顯蹟屢失回祿今始表阡
莫追實錄後孫誠力實是可愛伐石揭銘永垂千載
屠維作噩春正月下休

巨齊申天錫撰

墓表

軍器寺叅奉公繼配端人寧海朴氏墓表

端人姓朴氏系出寧海叅奉公諱億齡之繼配也叅奉府
君暨前配端人李氏合窆于引頸山南麓負壬之原繼配
墓在芝山里仙洞丙向之原前配四男楫極植栢婿鄭忠

碩朴贊李景胤繼配三男桂樞杞孫曾以下多不盡錄

乙卯三月 日十二世孫天錫撰

東部叅奉公墓表

府君諱栢字公羽申氏系出巨濟鵝洲縣官叅奉高麗按
廉使諱祐號退齋以孝旌閭士林俎豆卽府君八世祖也
高祖諱培生號北松亭司勇曾祖諱介甫司直祖諱幹直
長有遺訓考諱億齡叅奉妣端人月城李氏繼妣端人寧
海朴氏配端人安東金氏希顏之女也生四男二女餘慶
麟慶叅奉承慶僉樞後慶女忠義衛金從善士人池達源
孫曾以下多不盡錄

乙卯三月 日十一世孫天錫撰

傍先祖學生公 長吉 墓表

槐山之東德坪之西有丘峯如是故清修篤行申公衣履
 之藏也公諱長吉字子賀系出巨濟鵝洲縣高麗奉常大
 夫司憲府掌令全羅道按廉使祐是其鼻祖也高祖諱幹
 奉訓郎行尚衣院直長自義城移居清州山東文博里篤
 行自修教子義方有遺訓曾祖諱億齡効力副尉行軍器
 寺叅奉祖諱栢將仕郎行東部叅奉考諱承慶通政大夫
 行僉知中樞府事妣淑夫人靈山辛氏敏善女謹嚴莊淑
 舉五男於序公居第四以 宣祖庚子十二月二十七日
 生公公天資穎悟專意學問獎進後學寓居青川面遠雲
 里 孝宗癸巳十月十七日卒享年五十四墓槐山郡青
 川面大田洞遠雲里酉坐原配安東金氏宣教郎行軍資
 監直長時傑女后公四年 宣祖甲辰正月二十一日生

先公九年甲申正月三十日卒墓合祔生三男長漢徵次
漢昌皆無嗣季漢鳴孫男尚箕文章爲業鄉試三度入格
曾玄以下不盡錄公之沒已數百年而墓頽舊無表今九
世孫箕錫十世孫泰玄等始謀豎石于時箕封陸沉之日
也公之子姓世守家法追遠之篤旣如此余亦卽公之荀
后孫也箕錫屬余識其陰余非不朽人者又拙於文辭累
辭不獲謹撮其要而序次如右

丙午閏三月上澣荀后孫天錫謹撰

敦寧府都正申公昌煥墓表

公諱昌煥字文顯號勤勞齋官都正鵝洲人高麗版圖判
書諱允濡謚貞肅以清名直節表顯當世寔公上祖生諱
祐號退齋全羅道按廉使父卒廬墓三年孝感獲竹麗朝

運訖因爲臣僕五傳而諱幹尚衣院直長自嶠定居于清
 州山東文博里教子義方有遺訓於公爲十一世祖也再
 傳而諱之禮內資寺直長生諱鑄 贈承政院承旨生諱
 應泗號松谷 贈司憲府大司憲繼子尚錢號養閒亭同
 樞生父應泰號龍崖受業宋尤菴門有文集行于世生祖
 鐔與先府君及從兄鍊并爲三 旌閭生曾祖之孟號養
 一堂享儉岩書院同樞生諱永昊號松雪軒通善郎有孝
 行生諱器弘號晚翠生諱漢祚號勉齋生諱壽根號敬軒
 是公高曾祖補也妣清州韓氏禎國女昆陽裴氏敬淵女
 安東金氏瑞麟女金氏出也公以 純祖癸巳十四日生
 天資穎悟孝友絕倫九歲遭母夫人喪哀痛之狀擗踊之
 節儼若成人見者莫不嗟嘆及長承襲家庭事親極其志

物之養病革斫指進血俄而復甦及其丁憂哀毀踰節殯
 飲奠祭一遵禮制不脫經帶不御酒肉泣血終制每遇喪
 餘則沐浴齋戒滌器省牲必親爲之供祭米粒粒精選必
 致如在之誠奉先之心靡不周至生養家先世墓碑招工
 伐石躬自董督以竣其事與其兄司果公友愛尤篤有無
 相資勤勞共之中年寓居甘棠十里地而有新物則必分
 送之不先入口此非孝友之根天者豈能如是乎公受業
 于宋立齋近洙門又遊宋泐齋 門踐履有素造詣得
 正蔚然有隆望爲士林推重 高宗癸巳正月二十九日
 考終于正寢莫清州東林案山辰坐之原配文化柳氏重
 洙女生 憲宗正月一日卒甲子十一月二十四日墓高
 臺岩東林內谷寅坐生一男在弘繼配慶州金氏生庚戌

十一月一日卒丁未十二月二十一日墓東林洞後谷士
坐生一男二女在順女吳永俊李龍求在弘三男一女榮
錫慶錫彰錫女李鍾國在順三男大錫亨錫利錫曾玄以
下不盡錄嗚呼公之嘉行美德愈久愈忘公之孫慶錫懼
其湮沒無徵又當今日之世以闡揚先懿爲事將豎石墓
顏以備陵谷之變見余謁其墓文余其匪人又拙於文辭
無以揄揚萬一謹依原狀稍加櫟栝而歸之俾爲後日之
考焉 維歲屠維作噩春二月既望也族孫天錫撰

折衝將軍行龍驤衛副護軍周公 鼎梅 墓表

公諱鼎梅字子和芝璠號也草溪之周以後唐時翰林學
士諱璜遭五季亂避東國嶠南是爲上祖高麗有諱正臣
大匡都僉議門下贊成事謚忠章生諱世候金紫光祿大

夫禮部尚書謚文敬世襲主組入 本朝資憲大夫工曹
判書諱允溫其八世祖也高祖諱 壽陞僉樞曾祖諱
武吉繕工監僉正祖諱命德通德郎考諱汝尚通德郎妣
令人丹陽禹氏賢起女和順貞淑以萬曆二十九年辛丑
正月十五日生公公容貌魁偉氣節卓犖自嬉戲舉止異
凡兒弱冠負笈游學博覽書傳旁涉孫吳不欲以一藝成
名當丙子亂路塞未赴京師自詣本道營陣率本縣兵四
十九名陪再從祖判官公諱命欽戮力共戰有戰功此其
雖略公之之行之志槩可見也 叻于 肅宗癸巳六月二
十六日墓濂谷竹田城上槐城申坐配白川趙氏重錫女
生壬申卒癸酉墓濂谷九水洞上麓癸坐無嗣公以兄學
生公鼎台第二子文淑系后學生公配慶州玄氏女也文

淑生克仁宅禮克仁男光元宅禮男仁元公之沒二百餘
年今其九世孫學鍾將欲堅石墓顏再三謁文於余余以
匪人累辭不獲但於承接處略加點竄如右于時庚戌暮
春初吉百五節巨濟后人申天錫撰

族先祖丞旨公 鑱遺墟碑

清州治之東三十里有歸來里東林洞卽丞旨申公遺墟
也少北幾百步相望處乃公衣履之藏其階下公長胤松
谷公縫窻兩世墳庵在其山下也公諱鑱字子精鵝洲人
官 贈丞政院丞旨兼經筵叅贊官天性至孝母夫人嘗
患滯症暫不離側心誠救之嘔吐所污之物必親自洗濯
不任婢僕不使他人見之當丙子亂負父母避山中持炭
火糲粥之具雖冰雪中飢寒不逼親膚拾採誠養辭意惻

但賊義之不敢加害此豈非秉彝之心人所同得而然歟
嗚呼公之後孫慕其孝懷其德者迄茲數百載愈久而愈
不能忘其於遺躅所在水可忍廢地可忍荒乎諸孫相與
劈畫建碑記蹟而表之吁亦盛矣嗚呼公之墓與遺墟如
是密通公洋洋之靈倘有儼臨乎昔日徜徉之所而裕其
後昆者將益無垠也歟九世孫慶錫來清碑文豈可以不
文辭余以族黨後人其所興感有不尋常遂書庸識之如
此云 時彊圉協洽暮春日傍后孫天錫撰

行狀

皇考晚霞府君家狀

先府君諱在羽字善翼號晚霞姓申氏巨濟鵝洲縣人其
先有諱允滯鹿朝官奉翊大夫判圖判書謚貞甫以清名

直節表顯當世生諱祐官奉常大夫司憲府掌令全羅道
按廉使喪親哭墓獲竹生于血淚處事 聞旌閣享尚州
涑水書院 本朝太祖以刑判累徵不起其後有諱幹官
直長始自安東郡豐山面鼎寺里徙清州郡山東面文博
里子孫因居焉高祖重行曾祖範祚祖學根考周煥妣金
海金氏同中樞宜祚女先府君以 哲宗癸亥四月十六
日生於文博里居第自幼性至孝以遺腹不見嚴顏爲至
痛每當諱日常如袒括淚不勝投事偏母至誠菽水之養
驩如也事二凡如事父友愛之篤化倫於涑水之於伯康
晝耕夜讀如董召南之爲手抄口誦終夕不懈伯氏公性
嚴與人多忤府君左右承順惟謹退而接其鄉黨宗族皆
曲盡其情以故不能無憾於伯氏公者往往銷釋而無復

芥蒂皆曰公之能第也甲午東匪搶攘毅然自守累度受辱而不屈乙未國母遇害痛憤不已自恨力不能討復不肖稍長教之甚嚴未嘗以事廢課讀設塾延師使習工令之文一日見素堂金公濟煥得聞古先聖賢爲己之學益自刻厲痛刮浮華以趨本實命不肖與伯氏子孝錫仲氏子經錫使徃受學焉五十四遭大夫人喪哀毀踰禮次子朋錫稍長使游學于惺菴朴公胄淳之門長孫泰赫當冠迎惺菴爲賓加冠其首其惟善是取見賢思齊雖處今日澆頽之俗而特行古昔禮義之風尚賢好古之心積於中而著於外者蓋如此也辛未三月十二日以疾卒于居第之正寢自疾革知其必不起而處之泰然略無憂懼之色顧謂不肖兄弟曰吾今逝矣汝曹當勉勉孜孜勿替門

戶戒二子婦曰切勿求分異損傷友愛獨無一語及其家事俄而遂終享年六十有九府君身軀長大鬚眉清粹質實無偽莊毅有守而色和氣溫外柔內剛其處己待人一主於誠敬平居怡愉人莫見其喜愠之色聞人之善稱慕如不可及見人有過則必面規之性又喜施視人患難困乏如切其身經營周救必盡其力親戚或貧不能嫁娶卷墓爲之經理節衣食以振助之接引後進教誘不倦顧惟不肖生晚不及於見聞之詳故不得而盡記也配孺人南陽洪氏考同中樞洛變女有高行孺人慈愛孝順佐府君事大夫人於貧窶之中未嘗一日不得其驩心承接親戚下逮僮使曲有恩意後府君十六年丙戌五月二十四日卒享年八十有四生二男二女長天錫卽不肖次朋錫金

商珍朴魯宣二女婿孫男七女四天錫男秦赫秦來女尹
斗鉉朴俱用朴鍾聞朋錫男秦漢秦唐秦晉秦宋秦明女
李秀穆曾孫男六女八秦赫男完植寅植女趙恒福餘幼未行
秦來男官植斗植女幼未行秦漢男容植再植女幼未行
府君卒之逾月天錫朋錫奉奠于文博里內谷南麓坐西
向卯之原而孺人其後祔左嗚呼痛哉不肖天錫追慕攀
號無所逮及敢用追述其平生言行事實之大者如右以
俟後之立言君子採擇焉府君沒後二十三年癸巳暮春
日不肖長男天錫泣血謹狀


先妣孺人洪氏家狀

先妣孺人洪氏南陽人其先爲州大族曾祖 贈參判宅
運妣 贈貞夫人慶州金氏德弼女祖教官秉元妣孺人

慶州金氏光復女考洛燮同中樞業儒有高行娶玄風郭氏相夏女先妣以哲宗癸亥五月二十三日生天性仁厚端淑年十有九歸于我先府君諱在羽字善翼姓申氏事姑孝誠篤至有人所難能者或於隣里一有得味則未嘗先入於口而必進於姑親家甚富而歸先君時先君至貧相與攻苦食淡處之晏如也佐先君養親盡其力私親兄弟若有所賜則必獻諸姑而姑若反賜則必藏而待之於女工紡績織紝至於蚕桑無不涉獵通達又善中饋烹飪調和極其詳審精潔婦道極備而百美俱存隣有族老常稱歎不已曰取婦當如洪氏則家道成矣不肖兄弟稍長教之以義飲食衣服之甘美華麗者一切不與曰衣食蔽體充腹足矣何必擇取只長口體之習而非徒無益反

害心術七歲以後始使之讀書先府君每年設塾延師筆
 商文客無日不來而家甚貧菽水屢空少不爲念惟以承
 順大人之志爲事盡力周旋接賓有禮如見不肖遊戲不
 讀則警責不已曰人家之興替惟在於子孫勤讀與不勤
 讀耳汝何可暫時逸遊汝不讀千字文寸陰是競蓋學
 之將欲行之學而不行是與不學同矣不肖之於文字不
 至全然瞽盲者嚴教雖篤慈闈之力亦不少矣及先君卒
 孺人年幾七十矣猶哭泣不懈朝夕朔望必親臨之蔬食
 以終老性本儉質不徇華靡服御有常未嘗追逐時好有
 所變易又罕於言笑閨門之內甬穆而子婦與諸女間或
 有過失則必招致於前輒爲曉譬諄復甚或垂涕泣而道
 之聞者感悟遷革然後乃已理家事有法教兒孫甚嚴至

待姻親遇隣里恩義俱稱輕重有則臨沒時年八十有四
精神不亂言語少無差錯而屏醫却藥以丙戌五月二十
四日卒于家祔葬文博里內谷南麓西坐原先府君墓左
生二男二女男長天錫不肖次朋錫女適金商珍朴魯宣
不肖娶光山金在亨女生二男三女男泰赫泰來一女尹
斗鉉朴俱用朴鐘聞朋錫娶牛峰李丙夏女生五男一女
男泰漢泰唐泰晉泰宋泰明女李秀穆嗚呼先妣嘉行懿
德如彼其至少無愧於古之賢媛而如其湮沒無傳則不
明不仁罪此莫重謹錄其大槩之萬一欲爲徵信於後來
云癸巳四月 日不肖長男天錫泣血謹狀



竹淵集卷之四

竹澗集附錄

墓表

清州之東仁景之北有大閒峙陵谷負友之原是竹澗府君諱天錫字敬禹衣履之藏而配孺人光山金氏祔右者也府君巨濟鵝洲縣人鼻祖諱英美權知戶長檢校太子太師再傳而諱允濡高麗版圖判書以清名直節表顯當世生諱祐司憲府掌令全羅道按廉使父卒廬墓三年朝夕號哭有獲竹之瑞事 聞旌閭享尚州涑水書院五傳而諱幹尚衣院直長自嶠移居清州文博里教子義方有遺訓於府君為十三世祖也諱範祚諱學根諱周煥諱在羽號晚霞為府君四世也妣南陽洪氏同樞洛燮女梱範甚懿以己丑八月二十五日生府君於文村庄舍天資穎

悟才質聰明九歲通孝經史略十二歲本邑設鄉試府君
 面試居魁晚霞公與素堂金濟煥有道義之交使府君乘
 功令之文而就學焉篤學十餘年先生蹈禍之後與季父
 敬齋公遊學于惺菴朴先生曹淳門辛未遭晚霞公憂居
 喪盡禮哀毀踰制雖祈寒溽暑無日不號哭於墓墓顏石
 儀貧不能猝辦命不肖家用雖窘急每年百園式除之別
 置帳簿而殖契間或織席而補充之後十年碑與石床望
 柱一新爲之長姊氏早孀生事剝落哀其晝哭撫恤孤甥
 挈家同住有無共之以天年終借山而葬之素堂主孫先
 生文集貧不能爲之府君與同門人李鐘萬先生再從弟
 孝煥巡回先生門人知舊家受其多少出力越一年而文
 集完成此是先生學問節義之所致也然諸公事一之誠

力亦不無也丙戌丁內艱持制盡禮一如前喪府君重厚
 儉素居家孝友與人交必忠信祭祀盡其誠敬自宗族鄉
 黨至于婚友賀吉吊凶亦無不稱情而合禮焉辛亥十二
 月十五日考終于正寢享年八十三配金氏忠貞公若時
 后士人在亨女和順貞靜宗黨頌其德隣里咸其恩先府
 君四年乙酉十二月九日生先府君三十七年乙亥三月
 七日卒生二男三女長泰赫卽不肖次泰來女尹斗鉉朴
 俱用朴鍾聞泰赫生二男四女長完植次寅植女趙恒福
 李亨馥羅允燦李吉連泰來生二男三女長官植次斗植
 女韓喆求餘幼完植生三男二女炳夏炳日炳哲男女皆
 幼官植生二男三女男炳喜炳樂女皆幼嗚呼不肖於府
 君遺事未能一一收錄但以見聞所知撮其大綱序次如

李亨馥羅允燦李吉連泰來生二男三女長官植次斗植

附

二

右將欲用備陵谷之變俾爲後人考焉銘曰

我祖按廉百世樹風厥德惟馨傳之無窮府君繩武永言
孝則質勝禮儉鄉邦厭服引頸叅天帳幕出月我作斯銘
揭刊于碣 維歲辛亥春三月下休不肖長男泰赫泣血
謹撰

家狀

府君諱天錫字敬禹號竹澗巨濟鵝洲縣人上祖高麗版
圖判書諱允濡清名直節表顯當世人化之唐介生諱祐
號退齋司憲府掌令全羅道按廉使父判書公卒廬墓三
年血淚處獲竹生焉事 聞旌閭享尚州涑水書院三傳
而諱始生號北松亭禦侮將軍副司勇生諱介甫顯信校
尉定略將軍生諱幹奉訓郎行尚衣院直長自義城移居

清州文博里篤行自守教子義方有遺訓於府君爲十三世祖也高祖諱範祿曾祖諱學根祖諱周煥考諱在羽號晚霞妣南陽洪氏同樞洛燮女相範甚懿府君以己丑八月二十五日生于文村庄舍天資穎悟才質聰明九歲通孝經史略十二歲本邑設鄉試科業久廢之餘四方多士如雲會集府君面試居魁名振近邑晚霞公與素堂金先生濟煥有道義之交使府君桑功令之文而就學焉篤實十有餘年素堂先生蹈禍之後與季父敬齋公遊學于惺菴朴先生曹淳門辛未遭晚霞公憂居喪極盡情禮哀毀踰制葬于宅之南內谷酉坐之原日必哭墓雖祈寒暑雨無一欠闕墓顏石儀貧不能猝辦命不肖家用雖窘急每年百圓式除之別置帳簿而殖契間或織席而補充之後十

年碑與石床望柱一新爲之長姊氏早寡一室懸磬汲樵
 無人府君哀其晝哭撫恤孤甥兄弟挈家同住有無共之
 以天年終借山而葬之近處徐某者姪婦親家廊下也婚
 時數爲來往知面矣當島夷配給之時配給乏絕則雖富
 豪家無所回策夫妻來言曰配給乏絕四顧無言處故來
 府君憫其糴絕減自糴道取粟米一斗而與之後二年冬
 各其人負木綿二十斤而來言曰以前日粟米一斗七人
 眷口八日得生某年近六旬未報此恩而死不可瞑目於
 地下故負此而來府君不可遏情手取四斤而還之其人
 欲盡棄而去之府君思之良久以南草代其価而與之其
 人不肯受府君曰木綿彼之農物南草我之農物有無相
 通物物相換可也有何大恩而盡奪人之物乎吾不爲也

累次開喻而送之素堂主孫先生文集貧不能剗厠府君
 輿同門人李鍾萬先生再從第孝煥巡回先生門人知舊
 家受其多少出力越一年而文集完成此是先生學問節
 義之所致也然諸公事一之誠亦不無也丙戌丁母夫人
 喪持制盡禮一如前喪合祔于晚霞公墓府君娶光山金
 氏在亨女忠貞公若時后生先府君四年乙酉十二月九
 日卒先府君三十七年乙亥三月七日葬于清州仁景里
 大閑峙陵谷亥坐之原從先兆也生二男三女長泰赫卽
 不肖次泰來女尹斗鉉朴俱用朴鍾聞泰赫生二男四女
 完植寅植女趙恒福李亨馥羅允燦李吉連泰來二男三
 女官植斗植女韓詰求餘幼完植生三男二女炳夏炳日
 炳哲男女皆幼官植生二男三女炳喜炳樂男女皆幼餘

不盡錄府君以疾考終于正寢辛亥十二月十五日也享年八十有三合窆于配金氏墓左府君孝心出於天性一以承順親志爲務慶兄弟極其怡怡居喪血淚終制祭祀必盡誠敬接人處事以公正爲主勤儉耕讀鄉邦稱之焉願惟不肖生晚且曾失學先君行事安敢記實然嘉行懿德愈久愈忘則不孝之罪愈大故懼其湮沒無徵謹錄其平日聞見所及序次如右

己酉春正月二十日不肖男秦赫泣血謹狀

竹澗記

湖西卽南極老人星所臨之地人多壽考而上黨之東一舍許文博山下琅城文博里亦一小勝區也蓋夫竹是植物中君子而賢者居之澗乃天一生真源而智者樂之竹

影金瑣瑣澗聲玉琤琤此韓昌黎城南聯句也先生之賢
 智可配鄒聖則其愛樂可知也歲寒貞操源頭活發有契
 於竹與澗而發於咏也今何幸今日處士鄉先生申兄天
 錫氏顏其所居竹澗扁其齋彷彿焉是齋也處於仁景山
 之南十里而弱齋室村後乃竹林蒼翠前是澗水縈紆雖
 遜於大唐城南而賢者之居智士之處則樂土而美里也
 不變青於雪無壅泝於滓兄之晚許菟裘於斯焉叶矣以
 是扁齋善名在茲兄之所樂其亦昌黎先生之意趣也歟
 昌黎豈不言哉文章餘事道學亦有優入處觸境而起興
 尤於竹與澗詮焉兄之所以扁齋千載而朝暮遇也雪滿
 千山百卉蕭索而儼然修竹生意會心冰塞萬川衆流壅
 闕而混字澗流波聲潔耳竹澗得鳥名是齋者以是主人

之能有名於其齋也是齋之記余何以不文辭能體空心
 貞節盈科長進以剛植本源周通一理者有庶幾也我兄
 之年今八耄而不衰則養心如養竹者耶文旣盛鳴而研
 窮不倦則如澗流達海者耶願以是加勉亦以是自勗倚
 猗菁而懋切磋之工臨澹淨而勵高潔之趣耐過八旬光
 陰穩葆百年貞吉其視世之蒲柳先零行潦易涸豈不卓
 絕而超邁哉美我是齋之徵名也猗歟主人之雅致也是
 齋之記我豈徒然乎哉竹澗嘉號能副其實故仰其德而
 壯其意於是乎記

己酉秋七月下休友人仁川蔡鎮斗書